



2. juli 2009

Inatsisartut Forretningsorden-iani § 36 imm. 1 tunngavigalugu Naalakkersuisunut apeqquateqaatit makkua apeqquateqaatiginiarpakka

Naalakkersuisunut apeqquut ilinniartunut akiliunneqarluni angalasarneq pillugu ilinniagaqarnersiutit pillugit nalunaarusiani nr. 8-mi 27. marts 2008-meersoq malillugu

(Inatsisartuni ilaasortaq Astrid Fleischer Rex, Demokraatit)

Ilinniartut akiliunneqarlutik angalasarnerat pillugit malittarisassat nalunaarutini nr. 8-mi 27. marts 2008-meersut malillugit ajoraluartumik ilusilersorneqarnera malillugu ilinniartuutitsinnik toqqaannartumik immikkoortitsinertalimmik ilaatigooarluni kinguneqartarpoq. Tamannalu isumaqarpunga akunnakusoortortaartoq.

Nalunaarusiami § 54-imi imatut allaqqavoq:

”Aasami ilinnianngiffeqarnermut atatillugu siumut utimullu angalanermut illoqarfiup ilinniarfigisap aammalu nammineq qitornarisat Kalaallit Nunaanni aalajangersimasumik najugaasa akornanni imaluunniit ilinniagaqartup angajoqqaarisalluunniit kingullermik Kalaallit Nunaanni aalajangersimasumik najugaasa akornanni akiliunneqarluni angalanissamut akiliussisoqarsinnaavoq”

Ajornartorsiutinngussaaq ilinniartup angajoqqaavi nunamut allamut nuunniarlutik aaliangissappata. Tamanna pissappat akiliunneqarluni angalanissaq *angajoqqaat kingullermik Kalaallit Nunaanni aalajangersimasumik najugaannut* asuliinnassaaq. Assersuutigalugu takorloorutsigu inuusuttoq Qaanaaminngaanniit Nuummut peqqissaasutut ilinniariarluni nuussimasoq, angajoqqaavilu taamaalinerani Københavnimut nuunniarlutik aaliangerpata, ilinniartup akiliutsilluni Qaanaamukarnissaa pisariaarutissaaq, akerlianilli Københavnimut akiliutsilluni angalanissaa naleqqunnerussalluni.

Kisianni ullumikkut qulaani nalunaarusiap ilusilersorneqarnera malillugu ilinniartooq taamaallaat Qaanaamut akiliutsilluni angalasinnaassaaq.

Tamanna tunuliaqutaralugu Naalakkersuisunut una apeqqutigerusuppara:

1. Naalakkersuisut qanoriliorusuppat ilinniartuutitta ilaquttamik ilaginissaannut periarfissaat assigiilersinniarlugit?
2. Naalakkersuisut isumaqarpat Ilinniagaqarnersiutit pillugit Namminersornerullutik Oqartussat nalunaarutaat nr. 8., 27. marts 2008-meersoq malillugu ilinniartuutigut tamakkiisumik naligiisinneqarnersut?



DEMOKRAATIT
DEMOKRATERNE

Naalackersuisut qinnuigaakka apequtikka ullut suliffiusut qulit qaangiutsinnagit akissuteqarnissaat.